



Qafar Ummattah Barti

Afar People's Party

Maybalaalaqa
Qasa-dirri 21, 2018

**Ni baaxoh inkittiino kee numma dimokrasih siiratih xisne kah ningicilleeh fooca fanah
kah nangiciillu wayna hadafittte kinni**

Manggo daboonaah ni baaxol tekke dimokrasiiy, qadaalat kee inki gid akkiyyah tekke gicloola kullim anu siinih aaxige itta caylaaleelah gabat buulumak geynem akkalinnaanih wak nek axxeexuk kaxxam fayya le rooci kee uwwayti fida kah mekkelsimak sugte. Tah umman uddur nel tekke milaagu baxqisaanamih gano nel katasse rooci kee uwwayti fidakalah ayyuntiinô fantaaxaw kee agat inkittiinol katasse taqabi qunxxakkek yableenim hinna. Baxsa luk tatre 30 santih addat dimokraasi dubuh migaaqak celsiisak reedal temeeteh tan CIWACAT/EHADEG doolal dimokraasî qaago agat caddol bayisak siyaasaay, ayyuntiino, kee qidaddol ginteh tan sarri manggo daboonaah sittin kacanol xalak ballisih sittallih aqiishuk sugte ummatta sittin naqabut culusak Madqa caddol mudak anggayyuk sugtem igma num mayana.

Takkay ikkah xayii uddurak widir tama xintoh addat tanih tan Itiyoopiyah ummattah taqabi tubeleh, milaagi kah faxxiimam tifhimeh tan caylitte tamaa CIWACAT/ EHADEG beyak sugte sitta baysanaah, baaxo baysaanam wali marah tu xiqe waytam kinnim cubbusak ni baaxo sitta fanahaay, xinto kaaduk dimokraasi kee Qadli gital beyoonuh loonuh yanin fayxi baxa'a baxsa le gital yuybullen . Tah kaxxaam qokoleh meqemiiy, meqe qaago sinaamat hayta qimbbo Qafar Ummattah Parti inkih tan Qafar Ummatta luk gacak kah tingiicilleeh, asaaku kaaduk kah tangiicille amo gexa caagid kinni. Tohuk gexaak massakaxxa le Naharsi malaak Dokter Abiyi Acmad miraacinul gexsatah yan milaagi gita sittalluk gacak inkih tan itopiyaah xayloh gabat agle kee qokol asgalluk faxxiimah yan milaagu fan tabuh Qafar Ummattah Parti leh tan qokol elle qaddossam ta milaagih gexso manggo santooah assexeeruk sugne milaagu kinnim kassiisak kinni.



Qafar Ummattah Barti

Afar People's Party

Qafar Ummatta kalah tan tooboko kee maqanxxxix luk gaba assagalluk agat dacayrih manggo daboona carasah gacak dacrisak kah sugtennah asaaku kaaduk ni baaxo curriyat kee dimokraasiiy, qadaalat kee inki gid akkiyyal xissimtuuh takke giclot agat baxiini dirkik taquh bical tanim kee tah kaaduk, ni xaylo kee xaylô xayloh Xukko kee komal anyyooy, Qadaalat sinna nagrsinaamak, dimokrasil xissimte itopiyay dadalte nagrisnuh linoh nan kore sinni a'amantil rakitak kinni.

Qafar Ummattah Partih Massakaxxa le Naharsi malaak Dr Abiyi Acmad taturte dagoo alsitteh addat beeh, uxih beyak geytimah yan milaagi afkanitte hanggi luk kattaatak sugteeh, ta dagoo waktih addat massakaxxa le naharsi malaak abinal beeh yan maqattoti, baxa'a baxsa le baaxoh exxaaxil abe yab takku parlamah addal abeh yan addafakoot takku ni baaxo edde culteh tan kaxxa taqabi baar luk cubbuseh yanim dubuh hinnay tanih tan taqabiittech faxximtah tan callitte baar luk daffeyse. Tahah massakaxxa le naharsi malaak kaxxam faatitiyya kee mamaxxaga geyam faxximta. Qafar ummattah parti Itopiyah caddol qimbimteh tan milaagi gexso rigidiik yakke milaaguy, dimokraasiiy, qadalataay, curriyat fanah nee beya milaagu yakkuh isi dirkik tawquh bical tanim diggosna.

Ni baaxo Itopiya salam geyya hayteh dariifal Afrika kee Baad caddol teetih faxxiima arac geytam duddam ummatta sittalluk gacak sittin kakanul sinni baaxo booditte kee carbik Qidaddo kee siyaasa widir raaqak, tet yayyaqenihi, dimokraasi siiratih guabt xiinan waqdi dubuh kinnim Qafar ummattah parti Digga luk taamine. Tohuk gexaak ni baaxol siyaasa booxa baar bahteeh nanu kaaduk baaxo baxiini cakki dacrisak ninni baaxo qusba gali fan tabisnuh bical nanim kaxxa rufto luk naysixxige.

Mayso Itopiyah Ummattah iimi

Qafar Ummattah Parti